

# YAKOBUS

## Yakobusnge waŋe kuyarna

Maria nu Yesus te-pilna sulumba ngumneŋga nu maŋ kiŋo bailkamba turmba kile-patikina ta nyu kat naŋgine Yakobus Yosef Simon Yudas. Ta tuku pasa ande Mateus 13.55 mbolŋge minit.

Waŋe te Yakobusnge kuyarna. Maib nuŋe Yudas tuku waŋe mata Kuate tuku Pasa mbolŋge minit.

<sup>1</sup> Israel tugu 12 kilke tugu kise kise mbolŋge mine likade tane ŋakmba kaiye. Ye Yakobus Kuate le Sunŋo Yesus Kristus nale tuku piro taŋgo minet. Yeŋge tane tuku waŋe te kuyarmba pilet.

### *Piti ŋgamukŋge saŋgri tiŋgap*

<sup>2-3</sup> Tira kame, taŋgine ŋgamuŋgal son piti ŋgamukŋge saŋgri tiŋguwa ta bike ndakam tuku maŋau tane mbolŋge saŋgri tiŋgamŋgat. Wam ta tane kila. Ta tuku tane piti yimyam kaŋgerka gare-garekap.

<sup>4</sup> ŋgamuŋgal son bike ndakam tuku saŋgri ta kusre ndamba biye dewap le ma ma maŋau magenu ŋakmba tane mbolŋge mayok kuwaig.

<sup>5</sup> Tane wamdus kuyar mayenu te-fugumba kande tane Kuate yabaŋap le nuŋge sunŋomba tiŋgamŋgat. Nu kilke mbol mbal tuku sunŋomba waknyate tuku. Nu taŋgo wam ande tuwit sulumba nu sawe lika nda tuwit.

<sup>6</sup> Tane Kuate tala ndamba nu kumuŋ ŋga nu yabaŋap. Ande nu wamdus terokate ta nu bubreŋge yu fitte le yu tonŋel tiŋgate taŋaŋ.

7-8 Nuŋe mine ŋakmba mbolŋge nu wamduŋ kine inummba tugusemba ke ndakate. Taŋaŋ taŋgo ta Kuate tugumŋge wam ande tamŋgit ŋga idus ndawa.

<sup>9</sup> Tira kame, tane tuku afu sanzal minig ta tane Yesus mbolŋge nyu sugo tade tukunu wam ta tuku ndo payamkap.

<sup>10</sup> Tane tuku afu agaŋ ndende suŋgomba ŋak minig ta Yesus tinaig tukunu kile tane kilke mbol mbal am mbolŋge nyu kugatok minig. Wam ta tuku tane payamkap. Agaŋ ndende ŋak mbal mindesil bot taŋaŋ pitik kugawamŋgaig.

<sup>11</sup> Ki promba mindesil bot tugunu piyit le lamba supika ndeka mindepiye mayenu ta ŋgisikate. Taŋamba ndo taŋgo agaŋ ndende ŋak nuŋe piro ŋgamukŋge nu kummba nuŋe agaŋ ndende ŋakmba kusrekate.

*Wam ŋayonu kam tuku tugu*

<sup>12</sup> Taŋgo nu piti ait mbolŋge wamduŋ bulok pilmba saŋgri tiŋgate ta nu gare ŋak minanu taŋaŋ minit. Nu piti kuramba kumumbi mayok kuwa sulumba nu abo ŋak minmba minamŋgat. Kuate nu nuŋe kume purde mbal taŋamba niŋgam tuku sakina.

<sup>13</sup> Tane tagotiŋgam tuku ait mbolŋge wam ŋayonu kam tuku idusde ta Kuateŋge ye tagoyate ŋga sa ndakap. Andeŋge Kuate wam ŋayonu kam tuku tagowam kumuŋ kuga. Nu mata taŋgo ande wam ŋayonu kam tuku tago ndate.

<sup>14</sup> Taŋgo nu nuŋe nzali ŋayonuŋge nu didikate sulumba wam ŋayonu kam tuku tagote.

<sup>15</sup> Nu nzali ŋayonu kam tuku idusmba minit ma ma nzali ŋayonu te-mayokmba unekate. Uneka

minit le ma ma wam n̄ayonu ta sun̄goka nu te-n̄gisite.

<sup>16</sup> Tira kame, tane kuraukap. Tane wam dus mbarbekaig. Kuate nu sine unekam tuku tago ndasingit.

<sup>17</sup> Agan̄ magenu n̄akmba nu tugum̄nge ndekade. Bulu n̄akmba mine likade Kuate nu tugu. Nu samba tuku bulu kise mayok kinig tan̄amba nu kise mayok nda kinit. Nu purfen̄nu ndo minmba minit.

<sup>18</sup> Nun̄e nzali mayok kina le nu nun̄e pasa tugusekmbi sine kile-patikina le sine nu tuku mbal n̄akmba n̄gamuk̄nge sine ambon̄ga nu tuku kin̄o kame mayok kagen̄.

*Sine Kuate tuku pasa ismba kumube*

<sup>19</sup> Tira kame, wam te kila palpe. Tane pitik pasa isam tuku kilba palpe. Pitik ndo pasa saka gubra te ndakap.

<sup>20</sup> Tan̄go nu gubra tate ta Kuate nu nzalite man̄au mayenu te-mayok ndate.

<sup>21</sup> Ta tuku tan̄gine wam dus kutur tan̄gine wam n̄aigonu n̄akmba kusrekap sulumba tane n̄gan minmba Kuate nu nun̄e pasa tan̄gine wam dus sinam̄nge pilna ta kumnem̄nge minap. Kuate tuku pasa tan̄ge tane tuku muskil kile-tidin̄ge tin̄gam kumuñ.

<sup>22</sup> Tane Kuate tuku pasa ismba kumu-kumuwap. Nu tuku pasa isendo kade sulumba sine kumuñ n̄gade ta tan̄gine wam dusn̄ge yabritingit.

<sup>23</sup> Tan̄go ande nu Kuate tuku pasa isendo ka kumu kumu ndate ta nu tan̄go ande kanummbi nun̄e tumail kin̄gen̄mba kan̄gerte tan̄an̄.

<sup>24</sup> Nu nuŋe tumail kaŋgerte sulumba nu kumba nuŋe tumail ndaŋ ndaŋ ta nu pitik gilaingate taŋaŋ.

<sup>25</sup> Ande nu Kuate tuku pasa purfeŋnu taŋgo tuku muskil kile-tidingate ta ismba nu lato lato kila pilit sulumba gilai ndaŋga kumu-kumuwa ta nu gare sungo ŋak minit.

<sup>26</sup> Ande ye Kuate dubimba mbariŋet ŋgate sulumba nu nuŋe mane kulat ndaka fare fare pasa kile-mayokkate ta nuŋe wamduŋge yabrite. Nuŋe mbariŋte maŋau ta alo kugatok.

<sup>27</sup> Tane nane munzanu mbal pino kuembol nane tuku piti sinzaŋniŋmba turkap. Tane kilke te tuku maŋau ŋaigonu ŋakmba kusrekap. Mbariŋ maŋau ta Kuate am mbolŋge tugusek.

## 2

### *Taŋgo tuku mindepiye pile ndaniŋgap*

<sup>1</sup> Tira kame, siŋgine Sungo Yesus Kristus Kuate tugumŋge nyu sungo ŋak minit ta tane nu tuku mbal minmba ŋgarosu mindepiye mbolŋge taŋgine tira kame pile ndaniŋgap.

<sup>2</sup> Pasa te tane katesewam tuku satingamŋgit. Kusem ait mbolŋge ande nu tawi mayenu tiŋmba mindepiye mayete le ande nu sanzalnu tawi ur-funu tiŋgit le nale kumu kumu prowik.

<sup>3</sup> Tane taŋgo tawi mayenu ŋak nu make pilmba sakade: O tira, ne sine tugum teŋge mbili mayenu mbolŋge minyoka ŋga sade sulumba taŋgo sanzalnu ta ake agaŋ ŋga ne ka siŋge tiŋga ko pro ibeŋ teŋge minyoka ŋga sade ta

<sup>4</sup> tane Yesus tuku manau mbilmba wamdus tugusekmbi munḡu pile ndaḡade.

<sup>5</sup> Tira kame, tane ye tuku pasa te isap. Kuate nu ima kate Yesus tuku son ḡa nu kulatkate ma sinam kambim tuku madinḡina. Agaḡ ndende sunḡomba ḡak mbal e ko sanzal mbal? Nane kilke mbolok mbal am mbolḡe sanzalnu minig mbal ta madinḡina. Kuate nu taḡamba nuḡe kume purde mbal nu ndoḡ minmba minamḡaig ḡa sakina.

<sup>6</sup> Tane ndaḡam tuku mbal ta tumail pannaḡig? Ima kateḡe piti sunḡo tinmba tane didika kilmba ka pasa mbolḡe kile-tidinḡade? Agaḡ ndende sunḡomba ḡak mbalḡe taḡade.

<sup>7</sup> Yesus tuku nyu mayenu tane tinaig ta agaḡ ndende sunḡomba ḡak mbalḡe ḡayo silide.

<sup>8</sup> Kuate tuku pasa ande teḡenmba sakate. Tane taḡine ḡgarosu tuku kume purde taḡamba ndo tane tugumḡe minig mbal tuku kume purap ḡgate. Tane Kuate tuku tukul sunḡo ta kumu-kumumba minap.

<sup>9</sup> Taḡine ammbi taḡine munḡu pilḡgade ta Kuate tuku tukul pasa taḡe tane mbarde wam ta temayokmba tumḡigit.

<sup>10</sup> Tane Kuate tuku tukul pasa ḡakmba dubika ndindo ndo lukawap ta tane tukul ḡakmba lukakanu taḡaḡ.

<sup>11</sup> Ta ndaḡam? Kuate nu tukul ande teḡenmba sakina: Taḡo pino munḡu kuayar ndakap ḡgina. Nu tukul ande mata sakina: Taḡo ande bale ndawap ḡgina. Tane munḡu kuayar ndakade sulumba ande balewap ta tane Kuate tuku tukul pasa ḡakmba lukakanu taḡaḡ.

<sup>12</sup> Tukul kitek Yesusnge pilna ta sine tukul ta alonu dubikeg e ko kuga. Kuate nu tanjamba sine pilesingamngat. Sine ta idusmba munngu kume purkube.

<sup>13</sup> Ande nu tukul manjau kitek dubi ndamba afu mape ndakuwa ta Kuate nu tanngo ta pilemba mapewe nda. Ande nu afu mapeka minwa ta pilewam tuku kame nu laipamngat.

### *Ngamunggal tugusek*

<sup>14</sup> Tira kame, ande nu sakate: Ye Kuate tuku sangri tomba tinget ngate sulumba manjau ta tuku alonu kile-mayok ndakuwa ta Kuatenge nu tuku muskil te-tiwe tuwe nda. Nu ngisinungat.

<sup>15</sup> Tanjine tira ande tawi le nyamagan tuku denkuwa le

<sup>16</sup> tane nu samba ose tira, ne wamdus bulok njak kaye sulumba ngamunggal mukuk mina nga sawap sulumba nu tur ndawap ta pasa ta nu ndanmba turamngat nga idusde.

<sup>17</sup> Wam ndui tanjan ndo ande nu Kuate tuku sangri tomba tingate sulumba ta tuku alonu kile-mayok ndakate ta nu ngamunggal son kugatok minit.

<sup>18</sup> Ande nu ye tuku pasa te isam mbulmba tejenmba sakamngat. Ne wam magenu kumba minit ta ye Kuate tuku sangri tomba tinget ngamngat. Nu tanjamba sayuwa ta ye nu tejenmba kusnawamngit. Ye wam magenu ke liket manjau ta mbolnge yinge ngamunggal son ne tumnam kumun ta ne ngamunggal son ngate ta ame manjambi tumyamngat.

<sup>19</sup> Mbara ndindo ndo minit nga ne son ngate ta maye ta bukla ngaigonu nane mata Mbara ndindo ndo minit nga kuru kuru sunjo tade.

<sup>20</sup> Ne sinja nginngan tanjo ande. Ande nu Kuate tuku son ngate sulumba nu wam magenu ke ndakate ta nu ngamunggal son kugatok minit nga sawamngit.

<sup>21</sup> Ye pasa tembi tumtingamngit. Singine mbun Abraham nu nuje kijo atrau mbain mbolnje pilmba balemba Kuate tuku atraukam bafuna. Nu wam ta kina le Kuate nu manau ta kanjermba Abraham nu ye am mbolnje tinjeknu minit nga sakina.

<sup>22</sup> Ata. Nu Kuate tuku sangri tomba tingina sulumba alonu te-mayokmba wam ta kina. Wam kina ta mbolnje nuje ngamunggal son kumumbi mayok kina.

<sup>23</sup> Tanjamba kuyar pasa Abraham tuku sakina ta kumungina. Pasa ta tenemba. Abraham nu Kuate tuku sangri tomba tingina le Kuate nu tuku ngamunggal son ta kanjermba nu tanjo tinjeknu ngina. Tango te ye tuku gulab ngina.

<sup>24</sup> Ata. Ande nu Kuate tuku son nga wam ta tuku alonu turmba kile-mayokkate ta nu Kuate am mbolnje tanjo tinjeknu minit.

<sup>25</sup> Ye pasa andembi man tumtingamngit. Rahab nu tanjo didik farmba minna le Yosuanje Zu tanjo armba kukulnikina le pino ta tuku tumban wam katesewam pronaik le nu nale tuku pasa ismba Kuate nu kumun nga nu nale turka lukam tuku ndin kise tumnikina. Nu wam kina ta nu Kuate am mbolnje tinjeknu mayok kina.

<sup>26</sup> Ne tuku kanu ngarosu kusrete ta ngarosu nu kumaknu minit. Tanjamba ndo ne ye Kuate son nget nga ta tuku alonu kile-mayok ndakate ta ne tuku ngamuŋgal son mata kumaknu minit.

### 3

#### *Mane fudiŋndo ta sanjri njayo*

<sup>1</sup> Tira kame, sine Kuate tuku pasa kukliweg mbal nane afu sine tuku mbar maŋau kaŋgerkam tuku kulatkade. Ta tuku tane gudommba piro ta pitik nda tap.

<sup>2</sup> Sine ŋakmba mbareg tuku. Ande nu nuŋe mane tugu kulat mayete ta nuŋe ngarosu tuku nzali ŋakmba kile-ibenkam kumuŋ. Tanjo ta nu purfeŋnu.

<sup>3</sup> Hos poŋgade mbal ta nane ain fudiŋndo tumba nanjine nzali dubiwam tuku hos tuku miŋgek sinamŋe patikade. Ain ŋai fudiŋndo tambi agaŋmor suŋgokanu ta mbilam kumuŋ.

<sup>4</sup> Waŋ tuku maŋau mata kaŋgerap. Waŋ suŋgokanu bubre suŋgo tiŋga waŋ kadute le pinderkate. Waŋ kulat tanjo nu animbi kambim tuku iduste sulumba ulum ŋai fudiŋndo tambi waŋ suŋgo ta mbilte le bubre kuerka kinit.

<sup>5</sup> Tanjamba ndo mane nu agaŋ ŋai fudiŋndo ta sanjri njayo minit. Nu wam sugo ke likate ta tuku payamkate. Pa mirmin fudiŋndo ta duŋe sinamŋe ndeka pa suŋgo tiŋgate.

<sup>6</sup> Tanjamba ndo singine mane te mata pa taŋaŋ. Nu agaŋ ŋai fudiŋndo kilke te tuku wam ŋaigonu ŋakmba kile-mayokkam kumuŋ. Nu Satan



tugumŋge wam ŋaigonu kilmba ŋgarosu kutur tuwit sulumba tanŋo tuku mine ŋayo silite.

<sup>7</sup> Tanŋonŋe aganmor yimyam, sar uman, agan rabmba likade, kualegan ta ŋakmba kuapi niŋmba kulatkade le ŋgan patikade. Nane afu buk tanjanaig ta

<sup>8</sup> tanŋo nu nuŋe mane tanjamba kulatka te-ibenam kumuŋ kuga. Mane te agan ŋayonu ndo. Nu kame mben tanan kame agan ŋak minmba mburerikate.

<sup>9</sup> Sine siŋgine mane tembi siŋgine Mam Sunŋo tuku nyu te-dunŋeg sulumba man tanŋo kasureg. i ... Kuate nu tanŋo nuŋe suk wakeina.

<sup>10</sup> Minŋe ndui tembi nyaro pasa saka kasur pasa mata sakeg. O tira kame, wam ta ŋayonu ndo.

<sup>11</sup> Kule burok ndui tambu kule mayenu kaglinu turmba prowam kumuŋ kuga.

<sup>12</sup> Fik ail mbolŋge olif alonu prowam kumuŋ e? Ko grep muli mbolŋge fik prowam kumuŋ e? Yu sinamŋge mata kule prowam kumuŋ kuga.

### *Wamdus kuyar tugusek*

<sup>13</sup> Tane ŋgamukŋge ima nu ye kila sunŋo ŋak wamdus kuyar mayewet ŋga iduste. Ariya. Ne wamdus kuyar tugusek tuku alonu kile-mayokka wam magenu ke lika mine mayenu mbolŋge mina sulumba nane nyu payam ndaka.

<sup>14</sup> Ne nane afu tuku mine mayenu tuku gubra pilmba nane ŋgarosu ndo idusmba ŋakmba tidon panka minit ta nane nyu payamka ye wamdus kuyar mayenu ŋak minet ŋga yabri ndaka.

<sup>15</sup> Ande nu tanjamba wamdus kuyar pilit ta Kuate tugumŋge te ndakate. Kilke te mbolok kila Satan tugumŋge tate.

<sup>16</sup> Afu nane afu tuku mine mayenu tuku gubra pilmba nanjine ngarosu ndo idusmba njakmba tidon pankade mbal nane ngamuknje gubra manau sungoka nane pur yimyamkade sulumba wam njaigonu gudommba ke likade.

<sup>17</sup> Ande nu ngamunjal kuyar tugusek Kuate tugumnje tate ta nu alonu tejenmba kilemayokkate. Nu manau purfenju dubimba gubra kugatok wamdus mukuk minmba nu afu tuku pasa pitai ndaka nu njakmba sinanu wam magenu nane mbolnje ke likate. Nu yabri manau kugatok wamdus ndindombi nane afu mbolnje wam tugusek ke likate.

<sup>18</sup> Nane ngan minmba wamdus mukuk tango ngamuknje te-mayokde mbal alonu nane mbolnje manau tinreknu mayok kinig.

## 4

### *Kilke te tuku manau ndon ulendi ndakap*

<sup>1</sup> Ngarosu tuku nzali yimyam tanjine wamdus sinamnje kame bumba minig. Ta tuku tane kua-leyauka pasambi kame bude.

<sup>2</sup> Tane wam afu kilam idusde ta tane kilam fugumba ande balewam idusde. Tane wam afu kilam tuku am kikonj tingade ta kilam fugumba kua-leyauka kame bude. Tane Kuate wam afu yabanj ndade tukunu tane wam ta denkanu minig.

<sup>3</sup> Ko tane wam afu kilam tuku Kuate yabanje ta tane tanjine nzali dubikam idusde tukunu Kuate nu nda tingit.

<sup>4</sup> Tane Kuate ndo idus ndade. Ande nu kilke te tuku manau ndon ulendikate ta nu Kuate tuku ngueu minit. Wam ta tane kila. Tane kilke te tuku

manjau ndonj ulendikam idusde ta tane Kuate tuku n̄gueu tanjo mayok kinig.

<sup>5</sup> Kuate tuku pasa ande tejenmba sakate. Tukul Guwa Kuate nu sin̄gina ta sine Kuate ndo idusam tuku nu san̄gri njak sine kulatkate.

<sup>6</sup> N̄garosu tuku nzali yimyam kile-iben̄ka Kuate ndo idusam tuku nu ake sin̄anj sine lato lato make patikate. Kuate tuku pasa ande tejenmba sakate. Mbe mbolmbolkade mbal Kuate nu nane ndonj n̄gueu minit. Nyu te-iben̄mba minig mbal nu ake sin̄anj nane make patikate n̄gate. *Sindaun 3.34*

<sup>7</sup> Ta tuku tane n̄gan patika Kuate kumnem̄nge minmba tane san̄gri tin̄ga dirnan̄ga minap le Satan nu tane kusreka kua kan̄gat.

<sup>8</sup> Tane Kuate tugum kape le nu tane tugum prowam̄ngat. Tane mbarde mbal tane tan̄gine une man̄jau kusrekap. Wamdus ar ar njak minig mbal tane wamdus n̄aigonu kusrekap sulumba wamdus ndindo njak purfen̄nu minap.

<sup>9</sup> Tane tan̄gine une tuku sinanu Kuate am mboln̄ge malmbikap. Tan̄gine nzumilkade man̄jau mbilmba wamdus piti sun̄go tap. Tane gare man̄jau mbilmba ye mbaren n̄ga kikonu lok minap.

<sup>10</sup> Tane tan̄jwap ta Sun̄go nu tane kilmba kilemayokkam̄ngat.

### *Tira ande pile ndawap*

<sup>11</sup> O tira kame, tane tan̄gine tan̄gine mun̄gu n̄gumnem pasa sa ndakap. Ande nu tira ande tuku n̄gumnem pasa sakate ko nu pilete ta nu Kuate tuku tukul turmba n̄gumnem pasa tumba pilete. Ne Kuate tuku tukul pilete ta ne tukul ta dubi ndate.

Ne tukul tuku ma tumba naŋe ma ta tukulŋge tate le ne tukul tuku pile taŋgo mayok kinit.

<sup>12</sup> Kuatenŋe ndo tukul kile-mayokka sine tuku pile taŋgo minit. Ande mine ndakate. Nuŋge ndo sine tuku muskil kile-tidingam kumuŋ. Nuŋge ndo sine pitaikam kumuŋ. Ne ima le tira ande pilete?

*Payamkam tuku maŋau kuraukap*

<sup>13</sup> Tane afu teŋenmba sakade. Kite ko indole ye tumbraŋ suŋgo ande mbol kumba taŋge yar ndindo piroka ndametin suŋgomba kilamŋgit ŋgade. Tane taŋamba sakade mbal pasa te isap.

<sup>14</sup> Indole wam ande prowam tuku ta tane gi-lai minig. Tane tuku abo guwa bidu taŋaŋ kile kaŋgereg le pitik kugate taŋaŋ.

<sup>15</sup> Ta tuku tane teŋenmba sakap: Kuate nuŋe nzali dubiwa le sine abo minbe sulumba sine taŋamba taŋamba kaŋgig ŋga sakap.

<sup>16</sup> Tane mbe mbolmbolka taŋgine ŋgarosu ndo payamkade maŋau ta ŋakmba ŋaigonu ndo.

<sup>17</sup> Tane wam magenu kam tuku kila ŋak minmba ke ndakap ta tane mbarde.

## 5

*Agan ndende tuku ndo idusde mbal piti tamŋgaig*

<sup>1</sup> Agan ndende gudommba ŋak mbal tane pasa te isap. Tane piti sugo kaŋgerkamŋgaig ta tuku tane malmbi suŋgowap.

<sup>2</sup> Taŋgine agan ndende ta menŋam tuku minig. Taŋgine tawi magenu subinŋe nyam tuku minig.

<sup>3</sup> Kile kugawam tuku ait te mbolŋge tane kilke te tuku agan ndende kile-maŋgurkade ta taŋgine ndametin use purka sasukam tuku minig. Tane

tanjine mironj ndo idusmba ndametiñ tode le use purka sasukade. Ngumneñga tanjine mbar use purkade wam ta mbolñge kilimok mayok ka pa tañanj tinga tanjine ñgarosu pasokamñgat.

<sup>4</sup> Tane isap. Piro mbal tane tuku piro mbolñge nyamaganj kilnaig ta tane kumumbi nane piya ñnge ndakinaig. Piya inumnu tane tugumñge minig tanje tane tuku mbar te-mayokte. Piro mbal tuku malmibi ta Kuate Sunjo nu isit.

<sup>5</sup> Tane aganj ndende magenu ñak gare sunjo tumba nzumilka minig mbal tane aganjmor buk nyam tuku kumunñgate tañanj tane baletingam tuku ait patukate.

<sup>6</sup> Tane tanjo magenu kilmba yabri pasa mbolñge patika bale farninginaig ta nane nanjine ñgarosu turam tuku sanjri kugatok.

### *Tane ñgan minap*

<sup>7</sup> Tira kame, tane wamdus bulok minmba Sunjo prowam tuku tairñga minap le ma ma nu prowamñgat. Tane piro miro tanjo tuku manjau kanjerap. Nu nyamaganj ñgu denjpumba wamdus bulok minmba alonu tairñga minit le sawe piymba ka ka ki prote le nyamaganj kilit.

<sup>8</sup> Tanamba ndo tane ñgamunñgal wamdus bulok ñak minmba sanjri tingap. Sunjo prowam tuku ait buk patukate.

<sup>9</sup> Tira kame, tanjine tanjine munju gubra pile ndakap. Tane tañawap ta Sunjo nu tane piletingamñgat. Nu prowam tuku ait buk patukate.

<sup>10</sup> Tuan tanjo kame Kuate tuku pasa kuklimba nane piti ait mbolñge ñgamunñgal mukuk wamdus

bulok minmba sangri tinginaig wam ta ndo tane idusmba kumu-kumuwap.

<sup>11</sup> Nane piti sugo kanjerka dirnanginaig tukunu nane gare sungo jak mbal ngeg. Yob nu piti sinamnge ngamungal mukuk jak minmba sangri tinga minna. Sungo nu tango mapeka sinzanngit tanjamba ndo nu ngumneŋga Yob make pilmba sinzanŋa.

### *Wam pagu pasa yeki yeki*

<sup>12</sup> Tira kame, ye pasa sungo te satinngamngit. Tane pasa ande sakam nga ki am mbolnge ko kilke am mbolnge ko agan ande nyu mbolnge tangine pasa sangri pile ndawap. Tane au ngam idusmba kande au ndo ngap. Kuga ngam idusmba kande kuga ndo ngap. Tane taja ndawap ta Kuate nu tane kilmba pasa mbolnge kile-tidinngamngat.

<sup>13</sup> Tane tuku ande piti jak ndeta nu Kuate yabanwa. Ande nu wamdus bulok jak ndeta nu Kuate tuku nyu te-dunga mune ulwa.

<sup>14</sup> Ande nu guaze jak ndeta Yesus dubide mbal tuku gabat kame wikuwa le nane nu tugum promba Sungo tuku sangri idusmba gureŋ pis-nemba yabanwaig.

<sup>15</sup> Tane Sungo tuku sangri tomba tinga nunge guaze pitaiwamngat nga yabanap ta nu tango ta tuku muskil te-tiwe tambimngat. Nu guaze tango te-tiwa sulumba nu tuku une ta jakmba sauke tambimngat.

<sup>16</sup> Ta tuku tangine une afu tangine tangine tira kame ndon kile-mayokka sakap sulumba tane man mage minam tuku Kuate yabanap. Tango

tiŋreknɔ ande nu Kuate yabaŋwa ta nu tuku yabaŋ maŋau saŋgri ŋak.

<sup>17</sup> Tuan taŋgo Elia nu sine mineg teŋen taŋgo. Nu sawe nda piywa ŋga nu wamdus saŋgrinu pilmba Kuate yabaŋna le yar keŋmba tambun 6 sawe piye ndakina.

<sup>18</sup> Nu maŋ sawe piywa ŋga yabaŋna le sawe piyna le kilke mbolŋge nyamagaŋ ŋakmba tiŋginaig.

<sup>19</sup> Tira kame, tane pasa te kila palpe. Tane tuku ande tugusek maŋau kusremba bariŋga ndekuwa le andeŋge nu te-luka tumba Kuate tugum prowa ta nu wam mayewamŋgat.

<sup>20</sup> Ande nu une taŋgo tumba ndin mayenu tumte le nu ŋgamuŋgal biye mbilmba nuŋe mbar kusrekate ta nu taŋgo ta tuku kanu turte le nu ŋgisike nda. Kuate nu tuku une sauke tuwit.

Son.

**KUATE TUKU PASA**  
**Portions of the Old Testament and The New Testament**  
**in the Siroi Language of Papua New Guinea**  
**Sampela hap Buk Baibel long tokples Siroi long**  
**Niugini**

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 18 Apr 2025 from source files dated 31 Aug 2023

9d2e8659-afb4-5cca-93d8-23ebf89e1709